

Schwoba machat koine halbe Sacha

Ganz richtig: Schwoba machat koine halbe Sacha! Weder beim Schaffa, noch beim Essa ond scho gar net beim Trenka. 's oinzige, was Schwoba halbr machat, isch denka. Allerdings net im wörtlichen Sinn. „Des han i mir doch halba denkt!“, sagt dr Schwob, wenn'r scho a Ahnung von ebbes ghet hot. Fischköpf ond Ossid send en dem Stadium noch Lichtjahr entfernt von ra Ahnung, do denkts ons Schwoba scho ganz bescheida „halba“. „Des han i mir doch halba denkt, dass Du a Halbdackel bisch!“ Des Tierlefendesch übrigens in Brehm's Tierläba net. I frog mi die ganze Zeit, wie denn so en Halbdackel aussieht? Fehlt dem die Vorderoder dia Hinterhälfte, oder die link oder die recht Seit'?



Glaubat Se mir, wenn mr ibr solche Sacha nochdenkt, do wirsch halber hee.

En Halbseggel zom Beispiel (also en Pforzheimer) isch em urprünglichen Sinn en dr männlichen Anatomie zom suacha. Dr Vorwurf der Unvollkommenheit trifft naderlich besonders. Deshalb isch en Halbseggel durchaus a schlechte Beleidigung.

An Schoofseggel übrigens au, weil der so kloie ischt - ond a bissle arg bockelet. An Seggel, an Almachtseggel, an Prachtseggel oder an Gottsjesesmäßiger Seggel isch drgege fascht als Anerkennung zu betrachta.

No kloiner als halba gibts bei de Schwoba bloß beim Trenka. A Viertel isch die schönste Art, alkoholische Getränke zu sich zu nehma. Der Schwob trenkt übrigens niemols en Liter. Der trenkt höchstens vier Viertela. Oder meh. Trollinger en kleine Gläslagenossa, schadet au in größere Menga nix. Aber am nэгgschda Dag bisch halber hee.

Bis nэгgschd Woch' Ihr
Wulf Wager